

1 Tesalonia Mahãdu-ò

Juhuu Tyyriti Tesalonia Dohodỹỹna Mahãdu-ò

1 ¹Jiarỹboho, Paulo, Sila, Tximòtxi-wana heka Tesalonia hãwã ityhydỹydu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetðena heka Waha-ribi, Jesuisi Kristu Iòlò-ribi akirenykemy he wadee awire.

²Aõu aõu Deuxu deàlànamy adeereny rexitðenymahãre. ³Atyhyna tiu inynohòti-ribi rosaõtyhy. Aluunareki dori Deuxu dee taaõmysyðdỹmahãte, Jesuisi Kristu iny Iòlò dehemynyna teraðteri. ⁴Kaiboho, Deuxu luuna mahãdu, Deuxu iyrenymy araijere. ⁵Rybewihikỹ adee retỹnynymahãre. Kia heka rybe sohojile aõkõ rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratỹnyrenyrene wese, kaiboho teerytenyta. Aluureki dori kawesemy ratỹnyrenyrene. Tai tahe iwese inyboho ratỹnyrene wese tule kaiboho tatỹnytenynte. Tule Inynyrỹ-wesemy tatỹnytenynte. ⁶Aõhòkỹmydỹynana hãrele heka kaiboho rybe-ò taholatenynte. Tii aradeysarenyre, aõhòkỹmy dỹynana-ki hãrele. Eysanaren y dori Deuxu Tyytybytyhyribile namyhỹde. ⁷Kaiboho tahe ityhydỹydu mahãdu wihikỹ toite. Ibutumy ityhydỹydu mahãdu heka aweserenymy roirekemy ratxirenryeri Macedonia bedeki, Akaia hãwãdỹỹna-ki tule. ⁸Aeryna ibutumy hãwã hãwã rieryra Deuxu tetyhynyteki, Macedonia bedeki tahe tule Grecia bedeki. Tahe kia-ò icyby boholabenykekõ dori rare. ⁹Iny arora-ribi dehemynydeu inyko relyymyhỹre. Kaiboho asuritxoo deuxu-di tehutenynte tahe inatyhy Deuxu tetyhynytenynte, Deuxu iru wahe. ¹⁰Iriðre biu-ribi kanakremy teraðmahãtenynte. Kia heka Deuxu rubu-ribi riixixanyré rare. Jesuisi sohojile heka Deuxu debure-ribi riwatarenykre. Deuxu dori òraruna òraru-ki sòwemy rakyaranynihikỹmyhỹre. Tule kia umy inydee relyymyhỹrenyre.

2 ¹Kaiboho teerytenynte arora-ò roirenyreu, jiarỹboho Deuxu aõmysyðdỹna sòwemy rewinyrenyre. ²Jiarỹboho aõhòkỹmy ratỹnyrenyrene Filiposi

hãwã-ki. Tai tahe adee rehemynyre Tesalonia hãwã-ò wahe. Deuxu taruru diwahinyde. Tai heka jiarýboho adeeremy roirenyre Deuxu ijyywihikýmy arelyyrenkemy. Sõwemy inydeeremy òbinadu rýire. ³Iny rybe-di týnydýñnareny inatyhymy rare. Inyboho òbitimy röhötinyrenyre. Jiarýboho anaitxenanyrenyòtyhy. ⁴Iwese Deuxu inydeeremy riwateònyre wese kialemy heka rarybeke. Aõbo inysõweheký deewimy aõkõ raryberenyre, tahe Deuxudeewimy. Tiile rieryre aõbo inywo-ki ratximyhý. ⁵⁻⁶Tii rieryre iwese inyboho adeeremy rarybemahãrenyre wese. Nieru tarasakemy aõkõ inyboho watxirenyre rui-di raryberenyremy rybewihiký adee rewahinyòhyymy. Awowydyna, arybe wihiký heka inydee aõkòhyymy idi watxirenyre. Ijõ iny-ribi tule aõkõ kia rybe idi watxirenyre. ⁷Jiarý tiu ararybeõmahãrenyre idi anierureny aritakemy. Kia ariwinyrenykeki tahe, tule awire. Inyboho dori Jesuisi Kristu deòdýña inyboho ratxirenyreri. Tahe iu jiarý ayreny-ki raremahãu, aluurenyre. Iwese hãwyyõ tariòre riyrubunyre wese adireny watximahãre. ⁸Deuxu Rybewihiký sohojile aõkõ adeeremy ariwahinykemy aõkõ, tule wabededýñnana tule adeeremy ariwahinykemy watxireri, aruruke adeeremy, jiarýboho sõwetyhymy aluurenyreki wahe. ⁹Sõwetyhymy jiarýboho raaõmysýdýñmahãre ayreny-ki raremahãu, tai tahe òwyõ aõkõ teòwynymahãtenyte. Rummy raaõmysýdýñmahãrenyre, txummy tule. Tai ixiaõmysýdýñnadile inyboho rýimahãrenyre. ¹⁰Jiarýboho ayreny-ki òbitimy roiremahã. Aõhe inatyhy, waityhydýñdu seriòreboho. Kia teerytenyte. Deuxu tule riwaeryre. ¹¹Iwese tybyõ tariòre riywinyre wese, jiarý araywinyra, wariòre wesemy. ¹²Arãwiòhenanykemy adi watxireri arateysadýñkemy. Warybe dohodýña-ò boholabenyke. Tai tahe kaiboho Deuxudeewina-ki atxibenyke. Tule tii-wana masýnybenyke taòlona-ki, toosõna-ki.

¹³Tai tahe àlana sõwemy Deuxu-ò rewahinyrenyre. Ayreny-ki raremahãu, Deuxu rybe týnydýñmy, kaiboho tetyhynytyhymahãtenyte. Deuxurybele taholatenyte. Tii heka inatyhy kia rare, Deuxu ijyytyhy wahe. Waityhydýñdu seriòre, Deuxu ayreny-ki ratximyhýre. ¹⁴Waseriòreboho, iwese Judeia ityhydýñdu mahãdu heka aõhòkýmy rotýñnyre wese, kaiboho iwesele aõhòkýmy tatýñnytenyte. Kaiboho aõwitxira wixira aõbina bina teòludunymahãte aõhòkýmy dýñnana-ki. Abede ludu mahãdu tuu riwinyre. Iwese Judeia mahãdu heka judeu mahãdu debò-ki aõhòkýmy rotýñnyre wese, kaiboho tule aõhòkýmy tatýñnytenyte. ¹⁵Judeu mahãdu heka juhuru Deuxu rybedu mahãdu rirubunyrenyre. Jesuisi tule rirubunyre. Inyboho tule ribinadýñnykemy ratxireri. Deuxummy dòdu tiiboho roire. Ibutummy inymy òludu ratxireri. ¹⁶Tiiboho iny ribinadýñnykemy ratximyhýre, iny dori rybe týnydýñdumy inyboho ratxireri judeukòdu mahãdu-ò. Kia-di heka ijõ òraruna tiiboho ributunyre. Deuxu tahe wiji tiiboho ribinadýñnykre. Ityrereny-ò Deuxu kyarana bededýñnana kedeseke.

¹⁷⁻¹⁸Waityhydýñdu seriòre, aribi irehemy watxireriu, awehityhyna sõwemy wadi ratxireri. Sõwemy adi aretehekemy watxireri ixityrele. Tiubo aroramy arake, Satanasi riwabinadýñnyra. Tahe aõkõre. Araõke. ¹⁹⁻²⁰Kaiboho dori iny

raròsonatyhy, inydeysana, iny biu-ò hena Inynyrỹ Jesuisi òraru-ki atxitenyte. Tii dori kanake. Kaiboho ixityhydỹnaõ heka toimahãte.

3 ¹Ikonanau tahe reòludunyrenyòtyhy. Tai tahe ixisohojile Atena hãwã-ki rỹikremy watzireri. ²Tai Tximòtxi adee reteònyre, inyseriòre wahe. Tii heka wawanareny Deuxu aòmysydỹna-ki riwiòhenanyre Kristu Rybewihikỹ tỹnydỹmy. Adeereny dori reteònyre aityhydỹna wiòhedỹmy. ³Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inydeereny rare. ⁴Iu ayreny-ki rarewãhãu, kiamy rarybewãhãre aõma adeereny aõhòkỹmy dỹnana kanake. Kiale tahe inatyhymy nade. ⁵Tai tahe Tximòtxi reteònyre, omy arierykemy timybo aityhydỹna-ki tatỹnytenyte. Satanasi òsana waaòmysydỹna ayreny-ki ribinadỹnyre. Aòkòre, tii Deuxu aòmỹdỹnana ribinadỹnyòtyhy. ⁶Tximòtxi heka Tesalonia hãwã-ribi ròðsera. Ijyy Wiwihikỹ tahe raholara. Aityhydỹna aluuna wana raumynyre. Tule tii relyyre iwese kaiboho awehityhyna dire inyluure wese. Wadeysamy watzireri, waseriòreboho, aòraru-ki. ⁷Waaõhòkỹmy dỹnana hãrele heka wadeysamy watzireri, aityhydỹna awireki wahe. ⁸Kaiboho awimy matxibenykeki, awimy jiarỹ watzimahãre, warumy watzimahãre. ⁹Aòraru-ki tahe Deuxu-ò àlàna rewahinyre. Deuxu-ki tahe wadeysamy watzireri. ¹⁰Rumy txu-wana adeereny arexitòenykre arora-ò arake, aityhydỹna wiòhedỹmy wahe.

¹¹Deuxu Inytyby, Jesuisi Kristu Inynyrỹ-wana riwawiòhenanykemy idi watzireri arora-ò arake. ¹²Wiluumy ibutumy ityhydỹydu mahãdu luumy idi watzireri. Iwese aluure wese wiluuke. ¹³Tii inydeereny ruruna riwahinykemy idi watzireri. Òbitimy tahe rakatxirenyke Deuxuko-ò, Inytybyko-ò. Inynyrỹ Jesuisi kedehemynykreu, tamahãdu-wana, tai iny imahãdule rakatxirenykre.

4 ¹Waityhydỹydu seriòre, timybo òbitimy ahãbenykemy rebedeerynyre Deuxudeewina wahe. Iratyre tahe arexitòenykre Inynyrỹ Jesuisi òraru-ki, òbitityhymy boibenybekemy. Kia tahe teerytenyte. ²Jesuisi bede erydỹna heka adeereny rewahinyrenyre. Kia teerytenyte. ³⁻⁴Kia tahe rare. Òbitityhymy ahãbenyke, òta òtarenyõmy. Iny sohoji sohoji òbitimy ahãwy-y-wana matxibenyke. ⁵Iwese ityhydỹydukòdu mahãdu riwinyre wese aòkò idi ahãke. Tii dori Deuxu rierykòrenyre. ⁶Tuleke kia aòmỹdỹnana-ki iny sohoji sohoji aityhydỹydu seriòre ibinadỹyõmykemy. Iwese rarybere wese ixityre ararybekre. Inyõ kia aòmỹdỹnana riwinykeki, debure bededỹnana tii ralòke. ⁷Òta òta aòmỹdỹnana aòkò Deuxudeewire, òbitina aòmỹdỹna tamywire. ⁸Inyõ kia bede erydỹna rityhynyòkeki, Deuxule heka tii rityhynyòre, hãbu bede erydỹna aòkò. Deuxule Tatytybytyhy inydee riwahinyre.

⁹Kaiboho aityhydỹydu seriòre mahãdu luurennyre. Tai ixiby kia adeereny ariritinyòtyhy. Deuxu dori araerynanyrenyre timybo wiluumy boibekemy. ¹⁰Kia luuna-di tahe ibutumy Macedonia hãwã hãwã mahãdu luumy. Ihãrele tahe waseriòreboho iratyre wiluumy. ¹¹⁻¹²Ywina-di wi-ò wi-ò boibeke. Aaòmysydỹna-di iximynamy boibeke. Tai ibutumy ityhydỹydukòdu

mahādu umyreny robikreu anatyhynyrenykre. Tai tahe ijō iny aaōmyd̄ȳnana ixi-di nokōmy. Ixisohojilemyta ixi-di maaōmys̄d̄ȳnyke.

¹³Waseriōreboho araerynanykre rubu mahādu aōmyd̄ȳnana. Tai ijō inywese mahinybenyōke, bobubenyōke. Tii dori raròsòna-di aōkō ratxirenyre ¹⁴Kristu heka rubumy roire ribile rexixare. Kia tahe retyhynyrenyre. Kiawesele tii-wana heka Deuxu taityhyd̄ȳdu mahādu kididyke, rityhynymy rurure mahādu tule. ¹⁵Inynyr̄ riwabeedeerynyrenyre kiamy: inyboho irumy ratxikeki kiatxuu juhuumy timy inorenykōna. Rubu mahādu tuukre. ¹⁶Tahe j̄ju wedu juhuu rarybekre. Deuxu juròna-di ritxurònykre. Idi Inynyr̄ kodobehekre biu-ribi. Juhuu ibutumy ityhyd̄ȳdu rubumy r̄yira riumynykre, riumywitzirat̄myrananykre, riixixanyrenykre. ¹⁷Tahe ibutumy inyboho irumy r̄yira mahādu heka Inynyr̄-wana ributunynyrenykre biu-ki. Tai tiiwanahy roirenyre ¹⁸Kia rybe-di wii beysabenyke.

5 ¹Ityhyd̄ȳdu seriōre, tiubo kia ibutumy aōhebo rot̄ȳnykre. Kiamy adeeremy ariritinyōtyhy. ²Rumy wasidu wesemy kia txu kanakre. Kia teertyentye. Ibeded̄ȳnana iny rieryōtyhy. ³Inyō rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyō rahenyōtyhy. Iwese hāwyy txuberere wese, uladu ijera iòhòreu kia rare. ⁴Kaibohebo, waseriōreboho, tetyhynytenyete tai kiatxu adeeremy bede òtiid̄ȳ aōkō rarekre. Kaibohebo dori kia teertyentye, wasidu wesemy kanakemy wahe. ⁵Inyboho ibutumy txuu mahādu atxitenyete, loosòna mahādu wahe. Bedeluruhuk̄y mahādu aōkō inyboho ratxireri. ⁶Tai tahe rōkōrōnyōtyhy. Bexixabenyke. Ijō iny wese aōkō atxibenyke. Betehebenyke. ⁷Rumy ibutumy iny rōrōmyh̄yre. Tule kiau ibutumy riōmyh̄yre, axaxaluudu mahādu wahe. ⁸Inyboho tahe iximy rekexiòbitid̄ȳnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratiywina wesena rare, tarasana raròsòna wahe. ⁹Debure beded̄ȳnana-ò aōkō inyboho ralòōtyhy. Deuxu aōhōk̄my d̄ȳnana kia Deuxudeewina aōkō rare inydeeremy. Biu-ò hena-ò tahe inyboho ralòrenykre Jesuisi Kristu Inynyr̄ òraru-ki. ¹⁰Tii dori inydeeremy rurure. Tai tahe tii-wana rarehyymy r̄yikre irumy ada rubumy iny ratxirehāre.

¹¹⁻¹³Kiarybe-di widee beysad̄ȳnymahābenyke. Deuxu rybe t̄nynd̄ȳdu mahādu biwiòhenanybenyke, bityhynybenyke. Kia tahe wadee awire. Tii dori awiòhed̄ȳdu ratxireri Inynyr̄ òraru-ki. Ibutumy widee òbitimy atxibenyke, tii Deuxu deòdu rareki. ¹⁴Tule adeeremy ijō dohod̄ȳnaò aratohod̄ȳnykre. Iehehe mahādu biòbitinybenyke. Ityhyna kyhynakō mahādu bikyhynanybenyke. Ibutumy widi atximyh̄ybenyke. ¹⁵Inyō aōbinamy adee rakeki, ixiòwyd̄ȳōmy. Ywina-di tamy bis̄nyke. ¹⁶Beysahyybenyke. ¹⁷Ixitòed̄ȳhyymy boibehyybenyke. ¹⁸Ibutumy beàlamahābenyke. Kaibohebo dori Kristu ijoji atxitenyete. Kia adeeremy Deuxudeewinare. ¹⁹Deuxu Tyytybytyhy-ò boholake, awo-ki arayky-ki tii ratxire. ²⁰Deuxu dee rybedu mahādu awire irybe awire. Ibinamy aōkō tai marybebenyōtyhy. ²¹Ibutumy biurihibenyke. Aōbo awirele tahe idi bimyke. ²²Ibutumy òraruna-ribi irehemy atximahābenyke.

²³Deuxu heka ywina rare. Tii araðbitidỹnytyhyke. Adeereny rexitðenyre. Araykywydyna, òhõtíwydyna, aumy-wana ibutumy raywidỹmy ratxike idi watxireri. Jesuisi dori eleeemy kodobehekre.

²⁴Tii kia ibutumy juhúu rarybere wese, tii adeereny riwinyhyykre.

²⁵Waityhydỹdu seriðre, inydeereny bexitðenybenyke.

²⁶Deuxu deysana òlusð-di wii birybebenyke. ²⁷Wadee boholake Inynyrỹ òraru-ki. Kia watyyriti heka ibutumy ityhydỹdu seriðre roholakemy watxireri. Idi mariake.

²⁸Jesuisi Kristu Inynyrỹ ruxetðena heka adeereny ratximyhỹkemy idi watxireri. Kie.